

ХИЗМАТЛАР СОҲАСИНИ РИВОЖЛАНТИРИШ БЎЙИЧА УСТУВОР ЙЎНАЛИШЛАР БЕЛГИЛАНДИ

Президент Шавкат Мирзиёев раислигида 14 декабрь куни хизматлар соҳасини ривожлантириш бўйича амалга оширилаётган ишлар натижадорлиги ҳамда келгусидаги устувор вазифалар муҳокамаси юзасидан видеоселектор йиғилиши ўтказилди.

Жорий йил 11 майда давлатимиз раҳбарининг “Хизматлар соҳасини жадал ривожлантириш чора-тадбирлари тўғрисида”ги қарори қабул қилинган эди. Унда мазкур соҳани муҳим драйверга айлантириш ва 2023 йилга қадар хизматлар ҳажмини икки бараварга ошириш белгиланди.

30 сентябрда яна бир муҳим ҳужжат — “Хизматлар соҳасини қўллаб-қувватлашга оид қўшимча чора-тадбирлар тўғрисида” Президент Фармони қабул қилиниб, пандемия даврида умумий овқатланиш, савдо, туризм, транспорт соҳалари учун берилган имтиёзлар мuddати узайтирилди. Тадбиркорлар билан учрашувларда айтилган муаммолар ҳал этилди.

Жорий йилда жами 18 триллон сўмлик 29 мингта лойиҳа амалга оширилиб, хизматлар соҳаси 20 фоизга ўсган. Лекин 5 та туман ва шаҳарда ўсиш суръати кам бўлган. Умуман, жойларда аҳолига хизмат кўрсатиш даражаси пастлигича қолмоқда.

Шу боис йиғилишда хизматлар соҳасини кенг ривожлантириш, фойдаланилмаётган имкониятларни ишга солиш масалалари муҳокама қилинди.

Давлатимиз раҳбари бу борада ҳар бир ҳудудга алоҳида ёндашув зарурлигини таъкидлаб, аниқ мисоллар келтирди. Туман ва шаҳарларнинг

аҳоли сони, географик жойлашуви, иқтисодий салоҳиятидан келиб чиқиб, 3 та йўналиш белгиланди.

Биринчи йўналиш — хизматлар соҳасини 158 та туманда ривожлантириш.

Хусусан, сайёҳлик масканлари бор 45 та ҳамда тоғли ҳудуддаги 40 та туманда туризм хизматлари кўпайтирилади. Масалан, Шаҳрисабз туманининг Наврўз, Мираки, Оқдарё ва Ҳисор қишлоқларига йилига 500 мингга яқин саёҳатчилар келади. Агар шу ҳудуддаги 65 километр йўл таъмирланиб, интернет ва мобил алоқа яхшиланса, хизматлар ҳажми 3-4 баробар ошиши мумкин. Натижада меҳмон уйлари, савдо ва овқатланиш шохобчалари очилиб, қўшимча иш ўринлари пайдо бўлади.

Давлатимиз раҳбари бундай туманларни керакли инфратузилма билан таъминлаб, ерларни тайёр лойиҳа билан аукционга чиқариш зарурлигини таъкидлади.

Шунингдек, туризм соҳаси учун махсус солиқ режими жорий этиш, меҳмон уйлари учун имтиёзли кредитлар ажратиш бўйича кўрсатмалар берилди.

Қайд этилганидек, саноати ривожланган 27 та туманда савдо, умумий овқатланиш, логистика, меҳмонхона ва кўнгилочар масканлар хизматларига устуворлик берилди.

Қишлоқ ҳўжалигида даромад юқори бўлган туманларда умумий хизматлар билан бирга, замонавий агрохизматлар ривожлантирилади.

Масалан, Қашаи туманида Агрохизматлар маркази, хусусий ветеринария корхоналари ташкил этилади. Туман марказида 200 тонналик совитқичга эга “Экобозор” қурилади ва мингта иш ўрни яратилади.

Туман ҳокимларига Қашаи мисолида шундай дастур ишлаб чиқиш вазифаси қўйилди.

Маълумки, келгуси йил 21 та туманда 10 минг оила учун “Янги Ўзбекистон” массивлари, мактаб, боғча ва тиббиёт масканлари қурилади. Бу ҳам сервис ва савдони ривожлантириш учун жуда катта имконият экани таъкидланди.

Чегара олдида жойлашган 25 та ҳамда халқаро автомагистраль ва темир йўл ўтган 100 та туман савдо ва логистика хизматлари кўрсатишга ихтисослаштирилади. Шу боис мутасаддиларга йўл бўйи хизматларини ривожлантириш дастурини ишлаб чиқиш, қўшни давлатлар билан чегара пунктлари ва уларга борадиган йўللарда сервис инфратузилмасини тубдан яхшилаш бўйича кўрсатмалар берилди.

Умуман, мазкур 158 та туманда хизмат кўрсатиш соҳасида 300 минг иш ўрни яратиш мумкинлиги таъкидланди.

Иккинчи йўналишда 29 та ўрта ва йирик шаҳар ҳамда аҳолиси 300 мингдан кўп 6 та туманда замонавий бозор хизматлари ривожлантирилади.

Бу борада кўп қаватли уйларнинг биринчи қаватидан самарали фойдаланиш, енгил конструкцияли объектлар учун ер участкаларини аукционга чиқариш бўйича топшириқлар берилди.

Шаҳарларда аксарият мактаб ва мактабгача таълим муассасаларида ўринлар етишмаётгани сир эмас. Шу боис хусусий таълим хизматлари қамровини кенгайтириш, мактаб ва боғча қуриш учун ер майдонларини ажратиш бўйича вазифалар белгиланди.

Тошкент вилояти тажрибаси асосида ҳар бир вилоятда ёшларни замонавий хизматларга ўқитадиган IT-академиялар ташкил этиш мақсада мувофиқлиги таъкидланди.

Умуман, мазкур 35 та шаҳар ва туманда хизмат кўрсатиш соҳасида 200 минг иш ўрни яратиш кўзда тутилмоқда.

Учинчи йўналишга кўра Тошкент, Самарқанд ва Наманган шаҳарларида юқори даромадли хизматларни ривожлантириш бўйича алоҳида дастур қабул қилинади.

Мисол учун пойтахтимизнинг Сергели туманидаги ер усти метроси атрофида савдо ва хизмат кўрсатиш соҳасида

5 мингта иш ўрни яратиш имконияти бор. Ёки рассомчилик, ҳайкалтарошлик, хунармандчилик маҳсулотлари сотиладиган “санъат кўчалари” ташкил этиш мумкин.

Мутасаддиларга музейлар фаолиятини яхшилаш, кўرғазмаларини кенгайтириш ва туристлар учун янги йўналишлар очиш юзасидан кўрсатма берилди.

Яна бир масала — Тошкент, Самарқанд, Бухоро каби йирик шаҳарларда “Такс фри” тизimini жорий этиш, шаҳар ичида “Дюти фри” дўконларини очиш орқали чакана савдо ҳажмини янада ошириш мумкин. Шу боис хорижий меҳмонларга харидларни учун қўшилган қиймат солиғини қайтариб бериш тизimini барча туристик шаҳарларда йўлга қўйиш бўйича топшириқ берилди.

Умуман, Тошкент, Наманган ва Самарқанд шаҳарларида хизмат кўрсатиш соҳасида 750 минг иш ўрни ташкил этиш режалаштирилган.

Келгуси йилда хизмат кўрсатиш соҳасидаги лойиҳаларни амалга оширишга 500 миллион доллар ажратилиши белгиланди.

Йиғилишда муҳокама қилинган масалалар юзасидан мутасаддиларнинг ахбороти эшитилди.

Ў.А.

Сенат ялпи мажлиси олдидан

ЮҚОРИ ПАЛАТА КОМИССИЯ ВА ҚЎМИТАЛАРИДА КЕНГ МУҲОКАМАЛАРДАН ЎТКАЗИЛДИ

Бугун Олий Мажлис Сенатининг йиғирма иккинчи ялпи мажлиси ўз ишини бошлайди. Икки кун давом этадиган мазкур мажлисда бир қатор янги қонунлар ҳамда бошқа масалалар кўриб чиқилади. Уларнинг ҳар бири нихоятда долзарб бўлиб, мамлакатимизда амалга оширилаётган кенг қўламли ислохотларнинг ҳозирги босқичида муҳим ўрин тутиши кутиляпти. Шу боис улар парламент юқори палатаси комиссия ва қўмиталари томонидан кенг муҳокамалардан ўтказилди.

➡ 2

Олий Мажлис Қонунчилик палатасида

ИНСОН ҲУҚУҚ ВА ЭРКИНЛИГИ МУҲОФАЗАСИНИНГ АМАЛДАГИ ИФОДАСИ

Кеча Олий Мажлис Қонунчилик палатасининг навбатдаги мажлиси бўлиб ўтди. Унда бир қатор қонун лойиҳалари моддама-модда кўриб чиқилди. Шунингдек, депутатлар парламент сўрови юзасидан Ўзбекистон Республикаси олий ва ўрта махсус таълим вазирини А. Тошқуловнинг жавобини кўриб чиқдилар.

«Прописка» тушунчасидан воз кечилади

Мамлакатимизда инсон ҳуқуқларини таъминлаш борасида амалга оширилган ислохотлар натижасида қўнчиликни ўйлангирган, қийнаб қалган “прописка” муаммоси ҳал этилди.

Олий Мажлис Қонунчилик палатасининг навбатдаги мажлисида “Ўзбекистон Республикасининг айрим қонун ҳужжатларига ўзгартиш ва қўшимчалар киритиш тўғрисида”ги қонун лойиҳаси иккинчи

қўқишда моддама-модда кўриб чиқилди.

Қонун лойиҳаси билан айрим қонунлардаги “доимий прописка қилиш” ва “турган жойи бўйича ҳисобга олиш” тушунчаларини “доимий яшаш жойи бўйича рўйхатга олиш” ва “вақтинча турган жойи бўйича рўйхатга олиш” тушунчаларига алмаштириш, бир қатор қонунларда биометрик паспортга оид ишлатилаётган тушунчалар келгусида идентификацияловчи ID-карта билан қўлланлиши сабабли ушбу қонунларга “идентификацияловчи ID-карта” тушунчаси киритилиши назарда тутилган.

➡ 2

ЎЗБЕКИСТОНГА БЎЛГАН ҚИЗИҚИШ ТОБОРА ОРТМОҚДА

Самарқанд давлат университетининг бир гуруҳ олимлари Анкарадаги Йилдирим Боязид университетидеги Туркия ҳамкорлик ва мувофиқлаштириш агентлиги (TICA) томонидан ташкил қилинган “Ўзбекистоннинг ўтмиши ва бугуни” симпозиумида иштирок этди.

Фахр

2021 йил 11-12 ноябрь. Дунё нигоҳини жалб этган ушбу кунларда Истанбул шаҳрида Туркий давлатлар ташкилотининг тарихий саммити бўлиб ўтган эди.

Ўзбекистон Республикаси Президентини Шавкат Мирзиёев саммитда иштирок этди ва нутқ сўзлади. Мазкур жараёнлар Туркия оммавий ахборот воситаларида ҳам кенг ёритилди. Турк жамоатчилиги томонидан алоҳида эътироф этилди. Ҳаяжонли воқеаларни биз ҳам турк ҳамкорларимиз билан биргаликда кузатиш бахтига муассар бўлдик.

Ишонч ҳосил қилдикки, бугунги дунёда Ўзбекистонга

бўлган қизиқиш ва интилиш тобора ортиб бормоқда. Ўзбекистон раҳбарининг ташаббус ва ғоялари туркий давлатларда ҳам тан олинди, илгари сураётган фикр ва тақдирларига юқори баҳо берилиши мамлакатимиз номини янада улуғлашга хизмат қилмоқда.

Президентимиз Туркий давлатлар ташкилотини саммитидаги нутқида туркий дунё бирлигига салмоқли ҳисса қўшган улуг мутафаккир ва давлат арбоби Мир Алишер Навоий номидаги халқаро мукофот таъсис қилинганлигини чуқур мамнуният билан эътироф этди. Бу турк оламининг тарихи, бугуни, эртаси бирлигини, бутунлигини кўрсатади, аналгатади.

➡ 3

БОЛАЛАР ВА ЁШЛАР МАНФААТЛАРИНИ ТАЪМИНЛАШДА ҲАМКОРЛИК МУҲИМ АҲАМИЯТГА ЭГА

Кеча видеоконференцалоқа тарзида “Парламент аъзолари болалар учун: болалар ва ёшлар манфаатларини ифодалаш ҳамда ҳимоя қилиш учун ҳамкорлик, ютуққа эришиш ва янги имкониятлар таҳлили” мавзусида минтақавий маслаҳат учрашуви бўлиб ўтди.

Минтақавий учрашув

Унда мамлакатимиз парламенти аъзолари, Парламентлараро иттифок, Европа парламенти, Европа Кенгаши Парламент Ассамблеяси (ПАСЕ), МДХ Парламентлараро Ассамблеяси, ёшлар парламентлари депутатлари, бола ҳуқуқларини ҳимоя қилиш бўйича экспертлар иштирок этди.

ЮНИСЕФнинг парламент аъзолари билан ҳамкорлиги ва шериклигини кенгайтириш ҳамда тизимлаштириш, шунингдек, қонун ишлаб чиқувчилар эътиборини болалар ва ёшларнинг долзарб ахтиёрлигига қаратиш мақсадида ташкил этилган мазкур тадбир Европа ва Марказий Осиёдаги болалар ва ёшлар манфаатлари учун қўлашган мақсадларга эришиш йўлида тажриба ва билим алмашиш майдонига айланди.

Тадбирда Олий Мажлис Сенати Раиси Т. Норбоева иштирок этди ва сўзга чиқди.

Таъкидланганидек, Ўзбекистонда ёшлар ва болалар ҳуқуқ ҳамда манфаатларини таъминлаш борасида кенг қўламли ишлар олиб боришмоқда. Ёшлар парламенти аъзолари Сенат аъзоларига бириктирилган, маҳаллий Кенгашларда Ёшлар парламенти вакиллари мактаби ташкил этилди. Сенат қарори билан ҳудудларда ёшларга оид давлат сиёсати амалга оширилишини баҳолашнинг реитинг тизими йўлга қўйилган. Шу каби сайёҳаракатлар самараси ўлароқ бугун Ўзбекистонда 30 ёшгача бўлган депутатлар улуши 6 фоиздан ортиқти ташкил этаётди.

Шу билан бирга, таълим муассасаларини ривожлантириш, қонунчилик базасини такомиллаштириш, етим болаларни уй-жой билан таъминлаш, ота-она қарамоғисиз қолган болалар учун

Олий Мажлис Сенати Ахборот хизмати.

Ўзбекистон Республикаси Олий Мажлиси Сенатининг йиғирма иккинчи ялпи мажлиси очилиши тўғрисида

Ўзбекистон Республикаси Олий Мажлиси Сенатининг йиғирма иккинчи ялпи мажлиси бугун соат 10.00 да Тошкент шаҳрида Олий Мажлис Сенатининг мажлислар залида ўз ишини бошлайди.

Ялпи мажлис видеоконференцалоқа шаклида 15-16 декабрь кунлари ўтказилиши режалаштирилган.

Ялпи мажлис “O‘zbekiston” ва “UzReport” телеканаллари ҳамда Сенатнинг “YouTube”даги расмий саҳифаси орқали тўғридан-тўғри ёритилади.

ЎЗБЕКИСТОН ВА АҚШ СТРАТЕГИК ШЕРИКЛИК МУЛОҚОТИНИ ЙЎЛГА ҚЎЙДИ

Тошкент шаҳрида 13 декабрь куни Ўзбекистон Республикаси билан Америка Қўшма Штатлари ўртасида Стратегик шериклик мулоқотининг биринчи йиғилиши бўлиб ўтди.

Томонлар делегацияларига Ўзбекистон Республикаси ташқи ишлар вазирини Абдулазиз Комилов ва АҚШ Давлат котибининг Жанубий ва Марказий Осиё ишлари бўйича ёрдамчиси Дональд Лу раҳбарлик қилди.

Дастлаб Абдулазиз Комилов ва Дональд Лу иштирокида кечган тор доирадаги музокарада икки томонлама ҳамкорлик, шунингдек, халқаро ва минтақавий сиёсатнинг долзарб масалалари кўриб чиқилди. Томонлар ўзаро ҳурмат ва бир-бири манфаатини ҳисобга олиш тамойилига асосланган конструктив мулоқотни фойдалаштириш зарурлигини яқдил маълумладилар.

АҚШ томони янги Ўзбекистонда олиб борилаётган демократик ўзгаришлар ва ижтимоий-иқтисодий ислохотлар дастурини қўллаб-қувватлашнинг маълум қилди.

Қўшма штатлар вакили Ўзбекистоннинг Афғонистон халқига қўмақлашиш ва турли соҳалардаги лойиҳаларни илгари суриш борасидаги сайёҳаракатига юқори баҳо берди.

— Икки давлат учун ҳам самарали бўлган янги форматдаги ҳамкорлик

ни йўлга қўйиш жараёнида иштирок этиш мен учун катта шараф, — деди жаноб Лу. — АҚШ ҳукумати Ўзбекистонда иқтисодийни либераллаштириш, инсон ҳуқуқ ва эркинлигини ҳимоя қилиш, демократик институтлар ва фуқаролик жамиятини ривожлантириш борасида амалга оширилаётган ишларни фасол қўллаб-қувватлашга тайёрлигини маълум қиламан. Ишонаман, бошланган стратегик шериклик мулоқоти ўзаро алоқалар янада мустаҳкамланишига хизмат қилади.

Мамлакатимиз вазирлик, идоралари раҳбарлари ва АҚШ делегацияси аъзолари қатнашган кенгайтирилган йиғилиш давомида сиёсат ва дипломатия, иқтисодиёт ва тараққиёт, хавфсизлик, инсон ўлчови, маданий-гуманитар ва бошқа йўналишлардаги икки томонлама ҳамда минтақавий ҳамкорлик, шунингдек, халқаро ташкилотлар, молия институтлари доирасидаги муносабат юзасидан батафсил фикр алмашилди.

— Бугунги учрашув тарихий аҳамиятга эга, чунки бу АҚШ ва Ўзбекистон ўртасидаги илк стратегик шерик

лик мулоқоти. — деди Америка Қўшма Штатларининг мамлакатимиздаги Фавқулодда ва мухтор элчиси Дениэль Розенблум. — Йиғилишда иқтисодиёт, хавфсизлик, икки давлат ўртасидаги савдо сармоясини ошириш, инсоний ўлчов, яъни инсон ҳуқуқини сингари икки давлат учун ҳам манфаатли масалалар муҳокама қилиняпти. Президент Шавкат Мирзиёев бошлаган жадал ислохотларни қўллаб-қувватлашда АҚШ томони қандай ёрдам бериши мумкинлиги ҳам муҳим. Умуман, мулоқот жараёнида барча долзарб масалалар бўйича самарали таклиф-мулоҳазалар қўйилади, муҳокамалар олиб борилади.

АҚШнинг Ўзбекистон Республикаси мустақиллиги, суверенитети ва ҳудудий яхлитлигини қўллаб-қувватлаш борасидаги доимий ва қатъий позицияси яна бир бор тасдиқланди.

Томонлар «С+1» механизми доирасидаги ҳамкорликни жадаллаштириш, ушбу форматни юқори самарадор даражага олиб чиқиш лозимлигини қайд этдилар.

➡ 3

МОДЕРНИЗАЦИЯ ЖАРАЁНЛАРИГА ҚАНДАЙ ОМИЛ ТЎСИҚ БЎЛИШИ МУМКИН?

Пойтахтимизда “Замонавий конституционализм: миллий ва хорижий тажриба” мавзусида халқаро конференция бўлиб ўтди.

Мазкур анжуман Инсон ҳуқуқлари бўйича Миллий марказ, Барқарор ривожланиш маркази ҳамда Давлат ва ҳуқуқ институти томонидан Европа Иттифоқининг Ўзбекистондаги делегацияси кўмагида ташкил этилди.

Халқаро анжуман

Тадбирда парламент аъзолари, давлат идоралари ва фуқаролик жамияти институтлари, шунингдек, хорижлик экспертлар, халқаро ташкилотлар ҳамда дипломатик корпус вакиллари қатнашди.

Таъкидланганидек, ҳозирги даврда турли мамлакатларда конституционализмнинг ривожланиш тенденцияларини аниқлаш ва таҳлил қилиш, бу борадаги илгор миллий ҳамда халқаро тажрибани қўйсий ўрганиш, шунингдек, мамлакатимизнинг Асосий Қонунини жамиятдаги реал воқеликка, шиддатли де-

мократик ислохотлар мантиғига мослаштириш муҳим масалалардан ҳисобланади. Тадбир айнан шу йўналишлар бўйича ўзаро фикр алмашиш имконини берди.

Форум иштирокчилари ҳар қандай демократик ислохотлар мустаҳкам конституциявий-ҳуқуқий асосга эга бўлсагина бардавом ва самарали бўлишини, жаҳон тажрибаси модернизация жараёнларига асосан, икки омил тўсиқ бўлиши мумкинлигини алоҳида қайд этдилар.

➡ 3



Рустам ХОЛМУРОДОВ,
ад давлат университети
ректори, профессор,
Мажлис Сенати аъзоси.



Фронт-офис тираёвлари самарадорлиги бўйича салмоқли натижа оширилди, хизмат кўрсатиш янги шакллари ишга жорий қилинган. Келгусида мижозлар билан боғлиқ бўлиш вақтини қисқартириб, қўлайлиқ рациялари бажарилади. Қўлайлиқ лаштириш, ходимлар билан боғлиқ лаштириш ва мижозлар билан боғлиқ учун замонавий технологияларни жорий этишга олиб борилади.

изимлари ва х
ррлигини ошир
ишлар ама
т кўрсатишн
лаб чиқилиб,
арнинг навбат
отириш, банк о
илишини сод
ар ишини мақб
озларга қулай
технологиялар
б келади. Бул

Банк матбуот хизмати.
*Хизматлар
лицензияланган.*

Реклама ўрнида

